



Page: 3

Reach: 0

Country: BOSNIA AND HERZEGOVINA

Size: 129 cm2

1 / 1

**"Druker"** Uhapšen istražilac Tužilaštva BiH

## Odavao povjerljive informacije podzemlju!



**SARAJEVO - Nagrađivani istražilac Tužilaštva BiH, Mujo Smajlović, uhapšen je prekjuče u akciji "Druker" zbog sumnje da je odavao povjerljive informacije hercegovačkom podzemlju na čijem je čelu osuđivani naroko-diler Robert Iličić (41) zvanim Robac, koji je također uhapšen.**

Po nalogu Suda i Tužilaštva BiH Smajlovića i Iličića uhapsili su policijski službenici SIPA. Nezvanično saznajemo da je zbog "prljavog istražioca" u pitanje dovedena višemjesečna istraga koja je vođena protiv organizovane kriminalne grupe.

- Utvrđeno je da je u okviru jedne istrage osumnjičeni istražilac postupao nezakonito, mimo znanja nadređenih tužilaca, i počinio više nezakonitosti i povreda službene dužnosti - saopštila je SIPA.

U okviru akcije "Druker" pretreseno je šest lokacija u Grudama, a među njima Iličićeva kuća i kafić "Brabus" u mjestu Ružići.

Smajlović je godinama radio u Tužilaštvu BiH i uživao je dobru reputaciju. Bivši američki ambasador u BiH Patrik Mun 2013. odlikovao ga je posebnim FBI priznanjem za pružanje informacija u istrazi protiv Mevlida Jašarevića. **O. M.**